

進賢縣志卷之九

典祀志下 寺觀

寺觀

福勝寺 在縣南遷南嶽廟玉版居在寺後 尹黃
汝亨玉版居記并詩鍾陵民儉境以內山川城郭半
蕭瑟絕少勝地可眺覽獨城南山寺名福勝者去城
里許徑窄而僻都無市喧惟是苔衣樹色相映寺殿
亦淨敞可坐前令於此集父老或諸生五六輩說約
講執而寺以後方丈地有修竹幾百竿古樹數千株

進賢縣志

卷之九

寺觀

一

爲松爲檜爲樟爲朴爲蠟爲柞爲楓及芭蕉細草間
之四面墻不盈尺野林山翠葱蒨蒼靄可鬱而望六
月坐之可忘暑清風白月秋聲夜色搖搖墮竹樹下
間以吏事稀少獨與往還覺山陰道不遠亦自忘其
吏之爲俗借境汰情似於其中不無少勝因出餘鍰
命工築小屋一座圍櫺牕四周牕以外長廊尺許帶
以朱闌干雜草砌石可步可倚最後隙地亦佳覆樹
似屋據而坐亦近乎巢樹鑿坏之民而摠之以竹居
勝即榜竹爲徑題之以小淇園顏其居曰玉版里父

老諸生未始不可與集高客韻士與之俱更益清遠
間覓閒孤往亦復自勝不佞令此地無善狀度幾此
袈裟地片居爲政林下者云爾已矣昔蘇子瞻邀劉
器之叅玉版和尚至則燒笋而食器之覺笋味勝欣
然有悟盖取諸此也寺僧一二每見多酒態不知此
味子瞻亦不可多得嗟乎情境曠眎雅俗都捐亦烏
知世無子瞻玉版其人也別一石刻玉版居約戒殺
戒演戲戒多滋味戒毀墻壁籬落砍伐摧敗諸竹木
願後來者共呵護之有越三章者不難現宰官身而

進賢縣志

卷之九

寺觀

二

說法工竣爲壬寅秋九月 偶無門庭喧步出城南
隅披霧漸得嶺開雲遂升衢中有祇樹林古木鬱以
紆亭亭青琅玕玉立與衆殊小構成密陰靜嘯恣所
娛 忽忽白日速五載壇石長事事不如人此間有
微尚空林澹何求冷風起清唱峯前烟光霏松際霞
氣上徙倚無定依葳蕤起相向山僧罷逢迎我欲數
來往 塵軌詎有塵禪扉亦何禪俏蒨巖壑間此君
足周旋佛火明空翠鍾聲和踈煙啁啁衆鳥語時時
經梵宣懶悞謝人理聊以代歌絃 生平愛結客有

酒常盈樽偃僂巖邑下蕭疎孟嘗門豈無湖海豪清
虛枉相存松下折玉版聊以克盤殮未足快人意素
交夙所敦 坡老妙禪喜啓子有器之携手長林下
叅承玉版師託根詎離塵冲味了不緇漠漠玄風揚
濯濯清露滋泱然衆味餘冥契良在斯 盱江鄧侍
御羨詩春畦一夜聲霖霖曉望千枝萬枝玉送堦出
屋青幾尋開窓四面來清陰有如王家佳子弟坐上
觸目皆璆琳主人自是東南美此君朗潤畧相似吏
散時復携琴至落日瀟湘生遠思一官罄折何足論

進賢縣志

卷之九

寺觀

三

要於林下存風氣 邑人吳士元詩古寺連南郭幽
居檀勝名孤雲猶自媚好鳥最多情樹杪脚殘照巖
光漏太清隨緣叅玉版此地有金聲 邑人樊良樞
詩孤寺枕高城幽居愜勝情林花團堦色竹韻漱泉
聲柱頰朝逾爽御懷夜正清野人非六逸干此足生
平 傲矣漆園吏超然玉版師衣冠予偃蹇杖履數
追隨鳳吹生幽谷龍游自葛陂莫言無異政青扈亦
相窺 時有異雀入坐 入林何必遠一徑足生涯夜冷聞天
籟山空落雨花低枝籠翡翠修影顫龍蛇退院頻來

此談經到法華 葦輅披藜藿 䟽籬網薜蘿 坐移山
氣合意愴雨香和 靜院來蕭管 虛庭足嘯歌 不知城
郭近疑向碩人邁 蘭若諸天近淇園 此地遊飛濤
一夜雨寒玉半林 秋卜築依玄度裁 詩擬惠休朱書
自天吏故是霍陽侯 竹砌夜蒼蒼 翛然野趣長 由
來君子節還接 令公香刻葉遲鍾 漏飛花送酒觴 山
僧趺坐久 林子落禪牀 憲長李公開芳詩 何嫌車
馬地種樹 已成龍海鶴 盤雲下佛奴 出竹逢名香 無
別供午夜 祇聞鍾 莫是蘇劉者 還來玉版重 一心遠

進賢縣志

卷之九

寺觀

四

市廛外淇園滿 籜龍同時人共淡 曠世味相逢 叢密
難窺地雲濃 獨和鍾百年三萬日 斯遊不厭重 南
昌鄧孝廉文明詩爲訪闌亭勝 因過玉版居 短墻清
不斷 修竹澹相依 河漢秋雲薄 牕櫺夜月虛 祇應燒
短燭 飽讀壁間書 一湧訝山藏 寺淇園 一逕開雲深
依古水 露下滴蒼苔 舊事心俱折 新詩手自裁 絕憐
壇石長 獨擅揆天才 二試問星辰 聚應高太史 占萬
錢興左相五 夢江淹 江左二孝廉在坐 似王傳青 笋如花
送白箋 從來持佛戒 不爲宰官廉 三禪喜元同好相

隨到上方勞君題小草

爲予作文序

對客供名香十五盂

蘭會

峯七月之望

三千法寶莊塵談銷永夕未許據胡床

臨川湯顯祖詩并序蘇長公戲劉器之廉景寺燒
笋曰此玉版師也令子一知禪悅之味黃魯直最爲
長公所知嗜此特甚豈非其風 有人耶千載之後
復有魯直則我鍾陵明府錢塘黃貞父先生是已大
雅清真無他嗜好而獨嗜與師遊得師於城西南古
寺而新之以亭予過之則秋九月夕也月露淒淒風
篁竹韻數醞之後出玉版師焉淡以腴温以芳雖冷

進賢縣志

卷之九

寺觀

五

瓊截肪未足云其風趣也坐右之客厥惟孝廉李君
迺始顧齏師而咲曰惟予三人甘矣師得無苦乎師
應曰苦實稱名甘亦無口身根不立舌味何存予爲
之粲然已而嘆曰貞父君上計而迺始君亦且計偕
食肉刺齒他日過而存師者非予林下人耶相爲帳
然遂長歌而送客 東坡老人何杜撰翠竹爲師叅
玉版西湖有客如涪翁剪拭叢林出青眼清齋肉食
復何事蒼筤素封亦茲產含藏潤碧飽霜露剝落煒
黃映杯盞一時雅韻盈風聽百里心期隨折簡入饌

但聞蔬笋氣獨醒未厭江潭莞美人月出秋河靜高
談夜入明星皖此君風味動禪悅異日賓遊記山簡
徘徊竹根焉所如今夕粲者李麟初睠此明燈發幽
色翛然玉佩臨前除望覺寒虫氣清切時聞宿鳥鳴
蕭疎却憶明湖落煙艇暮風殘雪吹人裾回頭揖別
臺殿窅洗耳長如鐘磬餘恨此林亭隔秋水瀟湘竹
意空踟躕城北長雲渺千頃何不徙置滄浪居君言
得此亦偶爾且遠市郭藏煙墟君當高謁承明廬李
郎將從奏子虛竹厨盤礴那再得恨無與可畫筆南

進賢縣志

卷之九

寺觀

六

宮書 長洲錢希言詩寂寂山齋裏悠然寡世氛卷
簾觴夜月閣印鎖秋雲俗化聞絃誦清風革舞文百
城論吏治冠冕不如君 載酒出城南邀歡落日酣
仙才君不忝重客我猶慚竹靄微凝露松飈欲瀉嵐
從來浚郊外常駐大夫驂 相對蔭檀欒行厨薦玉
槃入林看下鳥爲縣嘆栖鸞宦味雲俱薄冰心月共
寒立談吾豈有贈璧比琅玕 山川淳朴處選勝此
亭開不用催蕭管偏宜弄酒杯鶴隨嵇駕至馬送習
池回他日羊公石何人洗綠苔 五載著循良鳴琴

不下堂邑宜稱十室木亦擅千章未換爲卽綬空留
教子箱今宵故人共松際有清光 閩曹學佺詩宴
分中散地贏得小淇名客到已諧趣公餘何獨情草
幽苔欲雜林滿竹偏清坐久月明下時聞鍾磬聲

高安憲長陳公邦瞻詩見說鍾陵宰頻過玉版居雨
香深戶牖風影亂琴書春野饒馴雉夜溪有棄魚那
妨恒嘯咏瀟洒學禪廬 僧廣詢詩小築依南寺城
偏客少臨幾行喬木徑千載故人心野廓雲霞集窻
虛水石陰仙郎饒逸興花映給園金 千里鍾陵信

進賢縣志

卷之九

寺觀

七

知君結構奇映門山色動溥竹露華滋笋味誰先得
秋風我後期長江今夜月脉脉繫相思 朱謀埜詩
見說仙人館遙開霧嶺間金繩隱花嶼玉笈秘松關
獨共素心賞寧容塵鞅攀年來苦相望何異隔蓬山
世外成香界官中結淨因標題纔一畝形勝足千
春竹樹饒風韻煙霞識性眞不知星聚夜若箇是陳
荀 爲訪蓮花漏因成玉版居攢峯開步障古木架
精廬將客青霞上論文紫月餘一端蕭散意猶作換
鷺書 鳴琴多暇日摘藻對清明吟嘯俱堪紀風流

亦可帥移將仲舉榻絕勝習家池安得羸滕往從君
一問奇 張位詩捺割遊刃間寄暢弄柔翰取適同
心賞斗牛夜增燦名理時造微玄尚渺雲漢蒼巘借
偕眺綠波俯從翫托交形骸外超詣遊汗漫時叅玉
版師寓踪塵可盥寄我天籟吟珠璣落霄畔清飈時
謾謾敲憂冰霜幹身如坐雪堂梁月相與伴快聞異
等徵需次蓬萊觀獻納任才賢借箸陳廟筭君去北
斗高我歌南山粲它時土笋斑應憶甘棠讚

海智寺 在縣治東南白雲山 白玉蟾詩山色凝

進賢縣志

卷之九 寺觀

八

雲翠萬里鳥聲啼落夕陽紅懶携琴去彈秋月且撥
棋來着晚風幾度醉眠知事少一番吟暢覺心空慷
庵 僧號 不與人相喻閉上柴門滋味濃

集善寺 在一都汝池山今廢

海惠寺 在一都龍塘山

三德寺 在二都查城山今廢 尹吳璉詩梵王宮

殿澗之阿冒暑來遊馬一過騁隙光陰忙裏度愛民
心思老來多枝柯憔悴山前豆子粒稀踈隴上禾天
意何勞苦如此試將消息問彌陀

圓通寺 在二都藍田山今廢

禪靜寺 在二都楓林山今廢

永林寺 在三都金山

正悟寺 在三都南陽山

護國寺 在三都高城山今廢

金山塔寺 在三都石河橋南

明心寺 在四都張姑山今廢 副使宗璽叅議羅

中聯句出郭塵想滅入秋天氣清遠水看黯淡近山
數分明螺髻挺秀拔露巾岸輕盈佳木零露垂啼螿

進賢縣志

卷之九 寺觀

九

俟時鳴倦呼手几據吟並肩輿行喝道殺風景尋僧
愜平生忙假半日閑歡談千古情入門聽梵語下馬
聞鍾聲雲裏同歌笑人世幾廢興竹深鳥倒絳葉墮
猿虛驚莎堦卧獨犬花圩穿亂螢農收稿秸積雨足
田疇平愛此禪境寂忘却來路縈茶瓜飽兼味龍象
呈雙形檀烟裊石爐露柳垂淨瓶色空入道眼蔬笋
逃詩評已說天花偈閑翻貝葉經冥冥定初放瞳瞳
日高撐俯視木交落仰盼松雙擎後凋重孤節速化
嗟枯莖勇徹法堂講固結詩壇盟願比鉛永懷寧使

水火爭出門共遠舉秋旻鶚連橫

戒德寺 在四都北榭嶺東今廢

智度寺 在五都查城山今廢

妙巖寺 在六都龍安山即龍安寺

能仁寺 在七都魏徵士讀書處 宋侍郎鄒浩詩

八年之中三往回道人一意金石開非千桑梓有分

好自是針水無嫌猜焚香說了四句偈携手直上千

尺臺洞庭青草不我隔東湖可歸歸去來 邑人汪

集詩徵士幽棲何處林堯城境僻愜禪心書聲未許

進賢縣志

卷之九 寺觀

十

蛙聲雜硯墨長遺池墨深鳳嶺孟盤雲翠疊虎溪環

映竹松森結茅近得分閒地習靜時來聽梵香 邑

人熊震能仁寺記鍾陵之脉自雄嵐來延綿四十里

爲麻山仙峯志稱麻姑羽飛其上其來遠矣徐行十

餘里爲壇石壇石卷石耳不足當天下稊米縣於斯

城郭於斯何盖有取爾也壇石崇巍隆重與諸山異

壇石南嚮諸山皆北嚮或拱或揖或侍或奔映三臺

犄鳳嶺山水奇會也且鳳嶺二一者望城郭而赴衣

帶以東其一下注堯城山能仁寺者殿尾於縣之北

門寺於縣非魁宿頗有繫焉此其地脉固然不獨人紀招來也能仁寺夙靈著唐徵君棲息以聞先輩君子往往善護之中丞張公尚寶汪公皆始終能仁寺能仁寺以故久而不廢腴田數十畝殿宏敞可人厥後有敗無護僧亦無善狀衣食不足貿上田上田不足貿瓦木能仁寺丘墟矣戊申末乃始乞法於我侯崑吾周公公曰可矣力清之得田二十畝山地數畝有奇然時遠物舊惟以能仁還能仁侵奪無問也衆請曰有田無屋柰何公曰然出鍰金買屋一大所實

其後衆又曰有屋無僧柰何公立召雲山僧住持之且去其害僧者衆私語曰有土有宇有僧公從衆生計備矣爰以記之震日記不可已也雖然余爲記其異者衆不聞乎白刃交前流矢不救急未暇緩也暇則救之矣今邑以水火災連連如也前之視今虞有易子而食者今戶不大削粟不大貴若已異矣而民衆於此且將從容乎父子兄弟之外了不可了於未始有始之緣何多暇耶豈非上有作者爲之所恃而不恐乎是歲也文節公祠成文節祠費不知幾百酌

也寸木尺土皆公緩爲之公經度宏遠矣

梵安寺 在八都侯城山

覺海寺 在八都儒田山今廢

覺惟寺 在九都清溪山

永福寺 在九都龍泉山 平塘陶夢桂詩二十餘

年不入山重來疑是夢魂間薰爐已冷燈猶在經卷

纔収僧自閑寂寂禪關人罕到茫茫人世多艱謁

來細說無生話穩坐蒲團不忍還 寺占吾鄉好處

山半新半舊屋千間水中蓮似尼清淨雨後雲如僧

進賢縣志

卷之九

寺觀

十二

退閑石路教人修整過芒鞋怕我往來艱夜深火炬

渾無用長是天教月送還

廣慈寺 在十都尚巖山

靜因寺 在十都相城山今廢

明惠寺 在十一都何田山今廢

普滿寺 在十一都西坪山今廢

後林寺 在十一都龍駒山

慈恩寺 在十二都新城山 知縣事程迴記畧鳴

呼近世名儒賢卿號有家法德履功烈在人未泯其

第宅園圃鮮有數世不易主者而浮屠氏之居每數千百年而不廢廢而亦有興之者儒家子弟僅一再傳而訟財競產相視若仇敵者多矣而浮屠氏奉其師法合塗之人而益親蓋分每前定謂之不由制度可乎向使儒者守文武孔孟之餘範俾上下有宗法士有常祿民有常產則今日之民亦三代直道而行之民也即小喻大未嘗不嘆息於斯不特爲慈恩諭也

永寧寺 在十三四都今廢

進賢縣志

卷之九 寺觀

十三

靜悟寺 在十三四都今廢

靜慈寺 即鯉潭寺在十三四都

多寶寺 在十三四都今廢

惠香寺 在十三四都界塘山今廢

星惠寺 在十五都永峯山

摩尼寺 在十六都長慶山 尹李學曾詩山僧掃

起白雲堆方丈軒深遠俗埃遲步稍防苔境滑謾留
偏愛鳥笙吹茶因薄渴多貪碗酒爲煩蒸懶舉盃民
瘼滿腔諷未盡試將世界間如來

金剛寺 在十七都棲賢山即戴叔倫寓處

感慈寺 在十八都武頭山

慈德寺 在二十都今隸東鄉廢

金文寺 在二十都今隸東鄉

法濟寺 在二十一都金泉山今隸東鄉

杏林寺 在二十一都修峯山今隸東鄉

祖教寺 在二十二都 尹李學曾詩斗飄方丈雪

一枕華山雲道外元無道人間別有人間中談物故
靜處着衣巾名利紛紛客徒奔陌上塵

進賢縣志

卷之九 寺觀

十四

道濟寺 在二十二都

福勝寺 在二十二都

普光寺 在二十四五都今廢

定香寺 在二十四五都今廢 宋學士汪藻詩雨

痕狼籍龍掛虛風林岑蔚鳥哺雛一川窈窕水雲國

百家世世封樵漁鐘來木杪知有寺杖藜起踏蒼烟

孤溪山清明攬楚尾臺殿圯剥存唐餘

定惠寺 在二十六都寶壽山

青果寺 在二十七都延壽山

梵葉寺 在二十八都慶寶山

吉祥寺 在二十八都瓊林山今廢

利生寺 在三十都今廢

崇惠寺 在三十三都後明山

崇勝寺 在三十四都赤城山

等法寺 在三十五都今廢

崇果寺 在三十四都瞿舍山

崇覺寺 在三十五都中岡山

崇眞寺 在三十六都

進賢縣志

卷之九 寺觀

十五

崇因寺 在三十五都 宋神童晏殊詩蕭寺林巒

近水村卓然幽境畫難分捲簾山色眼前有入夜濤

聲枕上聞苔逕雨餘堆落葉石樓風靜鎖閑雲更期

他日重遊處白馬紅纓頓出群 狀元羅倫次韵

綠微茫水國村四天垂野地橫分玄中僧語龍還聽

夢裏鐘聲鶴不聞野日祇今晞湛露大風終古淨浮

雲來遊車馬應無數只訝紅纓是出群

崇梵寺 在三十七都湖山今廢

崇教寺 今廢

崇仁寺 今廢

崇化寺 今改爲鶴林寺萬曆時建賜有五大部經
紫衣幢幡魚磬 釋晦山宿鶴林寺詩路出湖峰野
經紆入門清絕此禪廬踈林疑湧金焦 寶藏猶懸
海嶽書松老千山來鳳鶴樓高十里見樵漁招雲醉
月多幽勝好拚閒談半日餘 盱江陳允衡宿鶴林
詩喬松修竹圍禪院客到清陰落日初龍象莊嚴前
代跡樓臺縹緲化人居長廊積葉因風起曲澗新泉
得雨餘且喜眞僧能下榻頓令心病欲消除 饒宇

進賢縣志

卷之九

寺觀

十六

朴和詩山村晝掩禪關靜剝椽何來上客車獅子座
添剛十笏鷄壇句好置雙珠移樽坐久春燈亂解榻
談深夜月踈繞屋長松箕踞穩龍鱗多 列朝餘

崇報寺 今廢

崇聖寺 在白湖峯 饒宇朴登崇聖毘盧閣詩開
軒空碧落結宇駕青疇石磴袞袞古松風鍾磬悠水
光遙作鏡曙色欲歸秋不盡登臨興還期策杖遊 又
宿舊禪堂詩偶來蘭若宿清絕迥人衆月色光中靜
鐘聲斷處閒窓搖千个竹閣跨一卷山欲悟無三

應叅不二關

崇福寺 在中城山俱坐三十八都今廢

崇真觀 在縣南舊名太霄又名臧山 朱尚質詩

水樹涼風至清興在孤琴開軒俯華沼仰見白雲岑
采栢翠連屋葺荷香滿襟諒非世俗好聊契古人心

尹黃汝亨重修崇真觀記江右自張許兩真人華
山玄元之教行而老氏之宮十居六七釋氏不敵也
鍾陵寺與觀亦稱魯衛之政邑民人多儉而畫於理
俗好神其鬼而解禳祈禱之事無日不有道教亦差

進賢縣志

卷之九

寺觀

十七

勝城以內惟白雲海智寺稍稍弘厥其宮而聚溷市
巷度幾出文明門迤而東有所謂崇真觀者踞山麓
之僻其高則香爐紫霄三臺文筆諸峯相睥睨可眺
其下則三江九曲之水所環而帶也其中則林木翳
鬱而蔚蒼客每顧而樂之按志創自漢元鼎而山則
先賢臧嘉猷所施也有攸游井一白玉蟾煉丹於此
王郭諸僊飄笠杖履而至者代亦不乏宋乾道有戴
道士登己丑進士累官尚璽卿勅重建有碑有製我
朝自嘉靖甲辰燬而後新三清祖師二殿旁道衆廊

二弓脚一號相連直十一弓橫四弓一山脚一號坐案
山西脚下計直十四弓橫六弓一山脚一段
小片祭田三五畝九分常住田五畝七分
灌塘祭田三畝九分一都戲墳山一段
一南嶽廟墳山乙段一四都黃鱧頭
墳山一段一五都蛇白坑墳山一段

護福觀 在三十七都泉嶺

龍泉觀 在七都為祀梅福建今廢

靈陽觀 在八都 邑人包希魯詩少年長在此中

遊玄髮因循變白頭宇宙寥寥多少事江山莽莽古今愁
天迴北斗黃鷄曉地轉西風白鴈秋
筋力弱仲宣何處可登樓

進賢縣志

卷之九 寺觀

十九

三寶觀 在九都觀面大湖趾沙麓相傳仙人跨鶴而下
有石棋古劔鍊鐘云 邑人陳時懋詩三寶由來此地傳
翩翩跨鶴不知年一枰未許隨柯爛雙劍依然照斗懸
石磧痕疑雲篆字羽流瘦似地行僊夜深白地湖風起吹
送鐘聲到客船

靈仙觀 在十二都

太霄觀 在十五都

元陽觀 在十六都

南華觀 在十九都今隸東鄉

興真觀 在二十九都

寶慈觀 在三十都今廢

紫極觀 在三十一二都今廢

至德觀 在三十六都今廢

麻姑觀 在四都

禪院道宇點綴清涼滄海桑田自爾淪沒第載在舊志罔或遺也各坊鄉存者護之廢者可勿問

三摩庵 邑治西門外萬曆間邑人羅文燧捐地爲庵 尹黃汝亨記西門外故無觀寺羅孝廉文燧有隙地生平嗜善願捨之爲庵惟擇僧有戒行者俾守

進賢縣志

卷之九 寺觀

二十

之而問名於予且堂房湫隘甚不堪容膝此地故通會城劇路車騎聲晝夜不絕淨攝好修者未必樂居此里人又多不解佛理余曰即喧處寂作不解之解以象教爲導師政不可以無庵乃題之爲三摩盖取楞嚴從聞思修入三摩地語也何以故有法未聞譬如聾人立鍾鼓下無有鳴處聞而不思如膏梁子不問菽麥思而不修如說食畫餅終不得飽三者無一盡日行毒霧中不見日月是故此庵名爲三摩三摩之地車塵馬足之地當無二觀聞不聞思不思修不

修之間而已孝廉君與諸父老皆日善請 所題以
導居鍾陵城而不知由西門出者命僧普慶居之慶
稍稍解佛事有戒行樊叅知鵬甫劉學士幼安夙稱
其人與之遊不虛也庵前爲山門門以內爲觀音大
士堂旁兩 一爲香積厨一爲學徒焚誦所又兩廂
可待客僧樹下宿者歷堂而入爲佛殿殿旁爲僧舍
二其後捲一楹爲準提堂旁二廂亦可容僧衆飯庵
三面皆曠野茂樹高與高宗嶺相望而右一徑與玉
版通亦城西勝地也工越於庚子秋七月二十六日
崩予行矣故不可以無記四至鐫碑陰

進賢縣志

卷之九

寺觀

二十一

東至章宅山 西至官路 南至章宅空基 北至楓樹 直丈二十四弓 後橫十二弓 中橫十九畝 前橫十五弓 實積貳畝伍分陸厘伍毫

五印菴 邑治西五里萬曆間邑人陳應元建 李
光元記五印庵地故五里墩自港南東詣縣十有五
里而曠行旅罷且警惡得墩有里鼓路鐸焉萬曆末
蜀僧曰 然始乞車氏山建觀音堂道左而去取施
水飲而已歲在丁未金陵僧海廣主施飲事有拓焉

之志與鄉士大夫謀重之以邑宰官而後乃今鬱然
庵也鍾陵之生民也瘠廣爲之制儉而節舒辛亥佛
殿成庵始得名癸丑諸法相寶坐畫飾今上壬戌
官廳及大門作而工訖焉大門三間十方堂茶房翼
之門立然後觀音堂尊而新殿邃殿後爲學事堂前
左廂爲齋堂右廂爲三官殿經三官側而南爲官廳
並觀音堂右步廊疑軒左扉自闢亦一規也廳之墀
右觀音堂之墀左僧舍厨庫畢具與大門之兩翼皆
側出東西向制雖儉曲而裕焉廣之始至也即之山

樹蓊北東西餘地少其植足蔽衛而已南盡山麓廣
三之林木茂密多松黏官道抱門闌下切茂林而過
令人有睹清涼山林意當門娑羅二株其葉迤覆隱
其枝幹形色如紺佛頂群松爲僧嬾焉其樹本西域
產峨眉天臺匡廬諸名山有之種皆自峨眉而廣乃
得之鳩戲水濱足異也迺若陵夷四眺西脫原巘弛
然而長東望郊牧翫然而深前峯千里後流百折祇
林若獨涌然其寓高於平者乎廣與車氏約畫林木
而守林外茶圃菽麥地凡若干畝乞余記其本末以

詔永久且風後之能施舍者廣出家自天 叅
席頃以遠遊至援止之而遂不愛其力於此夫梵宇
之盛也崇者夸國都深者絕人境何可勝 即廣近
歷吳楚諸黃金界視五印何足覆一瓢然而幽探窮
索祇奔走天下而無一所濟於見前之犇 者君子
惑焉五印當衝邑修途之會百里九十之 與罷者
爲里鼓警者爲路鐸日覺衛人而人去之若流水焉
是謂至道然則賢於名嶽奧區瓊樓玉城遠矣以廣
其才嚮使必重繭極目關巒勝建非常業而後以爲

愉快是坵垤者惡足以繫之哉廣之觀固在此不在
彼當其少猶說法都下居鍾陵二十年未有聞其語
者與臃腫偕作而已意者其巒學時耶前是壬子余
使蜀過里榜其殿取鹿鳴之示我周行壬戌自日講
賜告則廣徙其榜於大門內余相視以懌天何言哉
四時行焉謂井井者貿貿者乎是建也先後作募緣
䟽命庵名凡三陳子今觀察公應元永明令君維泰
孝廉君維恭勤於記成事者朗然實啓山林雖不知
其人名亦永焉

青蓮庵 在邑治東十五里

甘露門 在邑治東棗樹舖萬曆間尹錢士貴題

小淇園廢 在水西門外

圓覺庵 在三十七都

千佛庵 在文明門外

進賢縣 之九終

進賢縣志

卷之九 寺觀

二十四